

A KEREKE E TLA SEPELA PELE GA TLAIŠEGO?



A re inamišeng dihlogo tša rena feela nakwana bjale bakeng sa lentšu la thapelo.

² Modimo yo Mokgethwa kudukudu le Moloki, re nyaka go Go leboga bakeng sa botho bja Gago bja lerato, ka gore bo kaone go rena go feta bophelo. Gomme re a rapela gore O tla kopana le rena bošegong bjo ka tsela ya go ikgetha kudu, le go re fa ditšhegofatšo tša Gago. A nke re bone seatla se segolo sa go otlologela ntile sa Mopholoshi wa rena wa go ratega, go direla balwetsi le batlaišwa. Le go fa seatla sa go amogela go bao ba lapilego ka tseleng ya sebe, bošegong bjo. Go ba memela ntlong ya Tate moo ba letetšwego go ba.

³ Re tla Go kgopela go gopola bao ba fapogilego go tloga tseleng ya meetse le ye tshese, gore le bona ba ke ba tle morago go kopanelo ya Tate gape.

⁴ Gomme re a rapela, bošegong bjo, Morena, gore O tla bula ditsebe tša batho, go kwa Ebangedi, le gore O tla bolotsa dipounama tša seboledi. Gomme a re nong go šomišetšwa letago la Gago. Gomme bofelong bja tirelo ye, ge re eya mafelong a rena a go fapania, a nke gore re bolele boka bale ba tšwago Emause, “A dipelo tša rena ga se tša swa ka gare ga rena, ge A be a bolela le rena mmogo tseleng?” Ka gore re e kgopela Leineng la Morwa wa Gago, Morena Jesu. Amene.

⁵ Ke rata go bala a mangwe go tšwa Mangwalong bošegong bjo, tema ya 17 ya Mokgethwa Luka, gomme go thoma ka te-te temana ya 26.

Gomme bjalo ka ge go bile ka matšatšing a Noage, gape go tla ba bjalo ka matšatšing a Morwa wa motho.

Ba jele, ba nwele, ba nyetše basadibagatša, ba filwe lenyalong, go fihla letšatši le Noage a tsenego ka arekeng, gomme mafula a tlide, le go fedisa bohle.

Ka go swana gape bjalo ka ge go bile ka matšatšing a Loto; ba jele, ba nwele, ba rekile, ba bjetsé, ba aga;

Eupša letšatši la go swana leo Loto a tšwilego Sodoma...mollo le sebabola di nele go tšwa legodimong, le go ba senya bohle.

Ebile go tla ba bjalo ka letšatšing ge Morwa wa motho a utollwa.

⁶ Gomme bakeng sa sehlogo, ke duma go tšea go tšwa go Genesi, tema ya 19 le te-te temana ya 22.

Phakiša wena, gomme o tle fano; gobane Nka se dire
selo go fihla wena o etla fano.

⁷ Mosong wo, ke be ke bolela ka dikahlolo tše di tlogo, gomme bosegong bjo ke duma go tšwelapele. Re kgona go kwa diphefo tša go fiša tša kahlolo ya kgauswi ya Ramaatlakamoka Modimo. Ge re thoma go ikwela dilo tše, go a re swanelo mohuta wa go šetša mo re phelago, le iri ye re fetago go e kgabola.

⁸ Gomme nako ye nngwe ya go feta, e bile monyetla wa ka go etela India. Gomme feelsa pele ke etla India, ba bile le tšhišinyego ya lefase ye kgolo. Gomme ke be ke bala ka dikuranteng ka India, gore ka fao gore e ka ba matšatši a mabedi pele tšhišinyego ya lefase e etla, ba bonagetše ba tseba gore se sengwe se be se fošagetecte, dinonyana tšohle tše dinnyane tše di phelago ka mefatšeng ka go meago ye megolo, le go phela go bapa le maboto a maboto a matlapa. Bontsi bja India bo na le maboto a matlapa. Gomme dinonyana tšohle tše dinnyane tše di bilego le dihlaga tša tšona ka go mefatšeng yela, di tlogetše maboto. Gomme dikgomo tšohle tše gantsi di emego go dikologa meago ye megolo, mo morago ga sekgalela, mo moriting, le go dikologa maboto a magolo a matlapa; lebaka la e ka ba matšatši a mabedi pele ga tšhišinyego ya lefase, diphoofolo tše tšohle le dinonyana tše dinnyane di ile ntle mo bogareng bja tšhemmo go ema.

⁹ Le a bona, go be go le se sengwe ka yona, gore Modimo o be a hlokomela dinonyana tša Gagwe tše nnyane le diphoofolo tša Gagwe. Le a tseba, Modimo wa go swana yo a di šupeditšego ka arekeng, ka matšatšing a pele, ge ba sentšwe ke meetse, ka go rereng ga Noage, Modimo yola wa go swana o sa phela le go rena lehono, gomme O na le taolo ya Gagwe ya diphedi tša Gagwe.

¹⁰ Gomme ke be ke nagana, “Ge Modimo a ka be a tshwenyega kudu ka dinonyana tša Gagwe tše nnyane, le dikgomo tša Gagwe le dinku, go di tloša tshenyegong pele e ratha, go kaakang bontši go tshwenyega ka bana ba Gagwe ba ba tswetšwego ka Moya wa Gagwe, ba hlatswitšwego ka Mading a Gagwe. O tshwenyega ka bona.” Gomme bjalo ka ge A seboditše dinonyana tše nnyane go ya go tloga go mafelo a tšona a bodulo, ka therešo ke dumela gore O sebotša batho ba Gagwe, lehono. Bjalo ka ge re bona maswao a magolo a go Tla ga Gagwe go batametše, ke a dumela gore Modimo o sebotša batho ba Gagwe go tla mmogo, le go biletša ntle go gogolo ka go letšatši le la mafelelo.

¹¹ Thuto ya ka bosegong bjo ke: *A Kereke E Tla Sepela Pele Ga—Ga Tlaišego?*

¹² Bjale go thari go feta le nagana. Go thari kudu, go fihla ke dumela go nyakile go ba thari kudu ka Amerika. Re no ba bofelong bja tsela. Gomme mosong wo, ge ke be ke rera ka Babilonia le maemo a yona, ke naganne e tla ba gabotse kudu bosegong bjo, go tliša ka gare tše dingwe tša Beibele, go laetša ka fao re bego re le kgauswi le go Tla ga Morena. Gomme re kgona

go bona, rena ka leihlo la rena la tlhago, gore se sengwe se lokela go direga.

¹³ Go na le ye bjalo ye—ye ntši tšhitišo magareng ga batho, go no ba bothata go leka go ba le tsošeletšo. Dikereke di fapania kudu, gomme di tlimarelane megolo, ka baka la dišitiši tša kerekeleina. Gomme Bakriste ba tšhogile kudu, go bonala o ka re, le go nyama. Eupša, le a tseba, go a tlaiba, eupša Morena wa rena o rile, “Ge dilo tše di thoma go direga, go lebelela godimo,” gore topollo ya rena e be e batamela kgaušwi.

¹⁴ Gomme bjalo ka ge re bona kgaogelo ye kgolo ya Gagwe, bjalo ka ge e laeditšwe go rena, go boneng diatla tša Gagwe tša maswao a magolo le matete; yeo, mahlo a rena a tla bulwa, mo metsotsong e se mekae, go šetša. Gomme ka gona go re fa khomotšo ye ya go ikgetha kudu, go tseba gore Modimo wa Beibele o sa phela lehono. Gomme O rata bana ba Gagwe, gomme O ba fa tshebotšo. Gomme bao e lego ba monagano wa semoya, ba tšwela ntle.

¹⁵ Gomme re ela hloko, ka matšatšing a Jesu a bego a bolela ka wona, O rile, “Bjalo ka ge go bile ka matšatšing a Noage, le ka matšatšing a Loto.”

¹⁶ Bjale, magahlanong a mangwe le a mangwe a nako, Modimo ka mehla o file pitšo ya kgaogelo pele ga pitšo ya kahlolo.

¹⁷ Bjale ge le le borahistori, gomme ke be ke ithuta histori beke ye, le dibeke tše pedi goba tše tharo tša go feta, Ante-Nicene Fathers, go histori ya bogologolo ya kereke feela pele ga Nicene Council, gomme morago ba be ba bopa kereke ya Katoliki mo mengwageng ye makgolo a lesometlhano a mabaka a leswiswi. Gomme ke bona gore ka go dingwalwa tšela tša Nicene, goba Pre-Nicene Council, gore ba be ba na le go no swana le ge re le lehono. Oo, ka fao e ipušeletšago ka boyona!

¹⁸ Gomme go bona seemo sa kereke, le seemo sa batho, le maswao a dinako, a ngwadilwe mogohle.

¹⁹ Bjale, pele Modimo a ka tsoge a dira e ka ba eng, magahlanong a mangwe le a mangwe a nako, Ka mehla o romela kgaogelo, morongwa, moprofeta, Molaetša. Gomme bjalo ka nako ye nngwe le ye nngwe, efela, yohle e gannwe. Kereke ga e nyake go O amogela.

²⁰ Noage. O boletše ka Noage fa. Gomme o rerile mengwaga ye lekgolo le masomepedi. Gomme le ge molaetša wa gagwe o be o le kgaogelo, batho ba šitilwe go lemoga thuto ya gagwe. E be e le se sengwe seo se bego se swanetše go ba phološa, gomme efela ga se ba theeletša. Gomme ge seo e se seswantšho se sebotse kudu sa dinako tša lehono!

²¹ Bjale, o ka no re go nna, “Ngwanešu Branham, o ka kgona bjang go re ‘botse,’ le go penta seswantšho go rena seo o se pentago?”

²² Ke mo go botse gobane Morena Jesu o tla ka pela bakeng sa Kereke ya Gagwe, gomme ke mogopolo wo mobotsebotse gore sebopiwa se sengwe le se sengwe sa Modimo se ka kgona go nagana ka sona; go tšwela ka ntle ga tlhakahlakano ye le go tsena ka Letagong la Gagwe la go šegofala, moo batšofe ba tla bago baswa, gomme balwetsi ba tla fodišwa neng le neng. Go ka se sa ba manyami goba mahloko a pelo. Ge seo e se selo se sebotsebotse nka naganago ka sona! Gomme go šegofetše bjang go bao ba letetšego nako yeo ya go kgobokana.

²³ Bjale re hwetša, bjalo ka ge Jesu a boletše morago ka matšatšing a Noage. A re nong go ya morago, ka gore O rile, "Tšeang mohlala wa letšatši leo."

²⁴ Bjale, ge Kaine le Abele. Ge Kaine a bolaile Abele, gomme morago Sethe o tšere legato la gagwe. Re hwetša gore Sathane o be a leka go senya Peu yela e swanetšego go tla, yeo Modimo a bego a tshepišitše, gore, "Peu ya mosadi e tla tlapiriganya hlogo ya peu ya sephente." Gomme Sathane o be a leka go senya Peu yela ya bogoši, gomme o naganne o e dirile ge a senya Abele. Eupša Modimo o tsošitše Sethe lefelong la gagwe. Seswantšho se sebotse kudu sa lehu le tsogo ya Kriste, le Peu ya bogoši e etla.

²⁵ Gona go a kgahliša go lemoga gore bjang, ka lehlakoreng la Kaine, ba bile ba bodumedi kudu. Gomme ba be ba le batho ba go ya kerekeng; gomme go bile bjalo ka Kaine motho wa go ya kerekeng. O be a rapela Morena. O agile aletara. O be a le wa kerekeng. O lefile dikoloto tša gagwe. O be a le, ka go tlhompho ye nngwe le ye nngwe bjalo ka ge motho a kgonne go mo lebelela, go beng modumedi wa kgonthe.

²⁶ Eupša go ne magoro a mararo feela a batho, ao ke, badumedi, basedumele, le baitirabadumedi. Gomme lefase le sa tletše ka bona bošegong bjo.

²⁷ Gomme Kaine o be a no ba tumelo ya maitirelo. Gomme go tšwa go lešika la gagwe go tlie sehlopha se segolo sa batho ba go ya ka kerekeng, ba bodumedi kudu.

²⁸ Bjale, se ga se se tlwaelege kudu, eupša a le etše hloko gore go tšwa lehlakoreng la gagwe go tla morafe wa go rutega? Beibele e e bolela pepeneneng. O rile, "Ba be ba aga, gomme ba be ba dira dilo tše kgolo." Saense e tšwile go lešika la Kaine. Gomme ba saense ye kgolo, le dingaka, le banna ba bagolo, ba tšwa lešikeng la Kaine.

²⁹ Moo, lehlakore le lengwe e be e le mo—mo modiidi, mohuta wa batho ba bahumanegi, eupša ba be ba le batho ba ba dumetšego Modimo wa bona go ba kgonthe. O Modimo, mpale le bona!

³⁰ Gomme feela pele ga nako ya bofelo e etla, go bile le kgakanego ye kgolo. Gomme lehlakore la kerekeng le legolo, go be go lebega o ka re, le be le thopilwe, go no swana le ka mo go lego lehono, bakeng sa saense.

³¹ Gomme selo se sengwe se segolo: o rile, “Ba be ba aga.” Ga se nke gwa ke gwa ba nako ka go histori moago wola o bilego wo mogolo bjalo ka ge o le bjale. Ke le lengwe la maswao a nako ya bofelo. Ga se nke ra ba le nako ya go aga. Gomme bjale, ebile le ka go toropokgolo ya rena ye nnyane fa, ga ke kgone go hwetša lefelo la go lekanelia go ya go tsoma mmutla e ka ba ofe gape. Gohle e no ba diprotšeke tša go aga; go no aga le go bjala. Gomme ge re ka bula mahlo a rena, ke ye nngwe ya dikotanatšhupetšo tša leswao la Modimo gore bofelo bo kgauswi.

³² Gomme re be re rera mosong wo, ka diseputniki le dimisaele, ka fao ba kgonago go ema ka Moscow, le go šupetša misaele go bogare bja Fourth Street ka Louisville, le go se tsoge ba tloga Moscow. Gomme o tla thubula lešoba ka mobung, botebo bja dikgato tše lekgolo le masomešupa tlhano, bakeng sa dimaele tše lekgolo le masometlhano go e dikologa. Ke ka fao molete o tla bago wo mogolo. Tše tharo tša tšona di tla senya lefase ka moka, tša le šikinya go tloga go obiti ya lona. Saense, le bona gore e ka lehlakoreng lefe? E ka lehlakoreng le lebe.

³³ Modimo o letela bana ba Gagwe go Mo tshepa bakeng sa se sengwe le se sengwe ba nago naso. Eupša re nyaka go tshepa seatla sa motho. Bokaone ke be le dikholofelo tša ka di agilwe ka go Kriste, go tšeа go ema ga ka ga go hlomphega godimo ga mogau le kgaogelo ya Gagwe, go feta sehlopha sa go rutega se se itšego sa batho ba ba bego ba tla dira mokgatlo, ba re, “Ye ke tsela.” Kriste o rile, “Ke nna Tsela, Therešo, le Seetša. Gomme ga go motho a tlogo go Tate ntle le ge a etla ka Nna.”

³⁴ Kagona, le kguna go bona, ke letšatši le legolo la thuto. Ke letšatši le legolo la go katana ga lefase. Gomme thwi ka bogareng bja seo, ba swanetše go be ba bile le lefase le legologolo la saense go feta re nago bjale. Ba agile diphiramiti. Ga re ne selo se tee seo se tla agago phiramiti, ge ēba o kile wa ba kgauswi le yona. Ke bile go yona, ka Egepeta, le tšona ka Mexico. Gomme tsela, dipoloko tša toropokgolo godimo, e tla ba marako ao a tla imelago ditone tše makgolo, e agilwe godimo fale ka godimo ga wola wo mogolo, moago wa kgoparara. Gomme le matlotšwe ka go phethagala go fihla le bile go se sebaka sa bogale bja legare; le be le ripilwe ka bokgwari. Oo, a letšatši la saense! Gomme, gape, e dutše go phethagala kudu bogareng bja lefase, gomme ga go kgathale moo letšatši le lego, ga go tsoge gwa ba moriti go e dikologa. Ke a belaela ge eba re ka kguna go e lekana, lehono, ka go saense ya rena ya sebjalebjale.

³⁵ Eupša Jesu o rile, “Bjalo ka ge go bile ka letšatšing lela, go tla ba bjalo ka go tleng ga Morwa wa Modimo.” Bjale, gomme Noage o rerile mengwaga ye lekgolo le masomepedi, gomme, hlokamelang, o segilwe.

³⁶ Bjale, Jesu gape o boletše, gore, “Bjalo ka ge go bile ka matšatšing a Loto, gore go tla ba, ka matšatšing a Loto, ba be

ba eja, ba enwa, ba nyala, ba neela lenyalong, ba bjala, ba aga, ba rekiša, ba reka.”

³⁷ Oo, ga se nke gwa ba le letšatši, leo, bontši kudu bja kgwebo, bjalo ka lehono, go no šomiša koloi bontši le se sengwe le se sengwe. Bontši kudu, go fihla, o ka kgona go reka setšidifatsi ngwaga wo, le go patela e ka ba ditolara tše makgolo a mane goba a mahlano bakeng sa yona, gomme ngwaga wo o latelago ga go yo a se nyakago. Se tšwile setaeleng. A ga le bone moo lefase la kgwebo le le gogago ka nko? O ka kgona go reka koloi ngwaga wo, gomme ngwaga wo o latelago ka kgonagalo e lokile bjalo ka ye o ka kgonago go e reka nako yeo, eupša e tla theoga boleng ka ditolara tše sekete gobane ba fetotše sekhurumelo sa radieita goba ba dirile sengwe se sennyane sa bošilo go yona. E no ba polelo ya go rekiša, go phethagatša Beibele.

“Bjalo ka ge go bile ka matšatšing a Noage, le ka matšatšing a Loto.”

³⁸ Le ge, nako le nako, barongwa ba tšweletše, baprofeta ba tsogile, gomme molaetša wa bona ka mehla o bile mogau, kgaogelo, le khunologo. Molaetša wa Modimo ka mehla o bile khunologo, feela pele ga nako ya bofelo; e hlodišiše ka Mangwalo, ka fao Noage a rerilego khunologo. Gomme ba ba segile le go dira metlae ka bona, gomme ba kwerwa.

³⁹ Gomme bjalo ka ge go bile ka go wona matšatši, go bjalo le lehono. Gomme ge o eya pele ka Molaetša, gore Kriste o tsogile go tšwa bahung, bjalo ka ge A tshepišitše O tla ipontšha Yenamong. Gomme ba a dira lehono, go molaetša woo, go no swana le ge ba dirile go Molaetša ka go letšatši le lengwe.

⁴⁰ Loto o ile ntłe ka Sodoma, gomme o lekile bokaonekaone bja gagwe go dira lešika la gagwe go theetša molaetša wa Barongwa, eupša ba mo kwerile gomme ba bolela gore o be a dira metlae.

⁴¹ Oo, a seswantšho sa letšatši le! Ge o tliša go bona Molaetša wa khunologo ya Modimo, ba re, “O dira motlae ka bodumedi. O leka go ekiša se sengwe.” Mohuta wa go swana wa sehlopha! A iri re phelago ka go yona! “Gabotse, ba nagana gore ke bona ba nnoši ba yago go phološwa. Ba nagana ke bona ba nnoši bao ba rerago Ebangedi.”

⁴² Jesu o rile, “Maswao a a tla latela bona ba ba dumelago.” Ga se Lentšu la ka. Ke Lentšu la Gagwe.

⁴³ Gomme hlokamelang, ke nyaka le hlokomele, ka pela, mohuta wa molaetša o bilego. Oo, se se no tsikinya pelo ya ka. Ge ke nagana ka Sodoma le Gomora, di be di tšhilafetše kudu, maitshwaro, go fihla bafapogi ba le mogohle.

⁴⁴ Eupša feela pele ga makgaolakgang, tshenyego ye kgolo, Modimo o rometše moprofeta tlase fale. Gomme ke nagana ka, gape, O rometše Morongwa tlase kua, gomme ke nyaka le hlokomele Molaetša wa Morongwa. Abraham, yo a tšerego tsela

ya gagwe le banyatšiwa ba se bakae ba Morena, o dutše ntle ka leganateng moo mabala a bego a diila.

⁴⁵ Gomme Loto o ile tlase le go ba ratoropo wa toropokgolo, gomme o be a le monna yo mogolo magareng ga sebe. Bokaone ke se tsebalege kudu, gomme ke loke le Modimo. Eupša Loto o be a tsebalega kudu, gomme o dutše mekgotheng, ka kgorong ya toropokgolo. O be a le moahlodi wa se se bego se ka kgona go tla ka gare le se se bego se sa kgone go tla ka gare. Gomme o be a le fao, a efa bophelo bja gagwe ka go mabofefe, le go tseba gore ka toropongkgolo ya gagwe dilo tše bjalo di ile pele.

⁴⁶ Ge seo e se seswantšho sa lehono, ka setšhabeng sa rena; mananeo a go se hlokolwe, mehuta yohle ya botlaela, bobapu, mabohlola! Oo, ba ka kgona go e roba, ge ba be ba nyaka, eupša ga ba nyake. Gomme ba ka se kgone go e dira, gobane Modimo o rile go tla ba ka tsela ye. Ge ba ka kgona feela go bula mahlo a bona le go kgona go kwešiša!

⁴⁷ Gomme, hlokamelang, feela pele iri ye kgolo ya tlalelo e etla. Abraham le Sarah, ba ba dutšego ntle ka tlase ga mohlare wa mouuko, letšatši le lengwe ge ba be ba le ntle kua, Sarah o bone Banna ba bangwe ba etla. Gomme o ile a tloga go leba tenteng.

⁴⁸ A phapano, go basadi ba letšatši le, le ka fao e bego e fapano e ka ba tlase ka Sodoma. Etla nako go banna go tla gae, bohole ba apara diaparo tša bona tše nnyane tše kopana, le go ya ntle le go hwetša go kota bjang. A phapano!

⁴⁹ Eupša Sarah o ile tenteng. Gomme ge a dirile, Banna ba ba ttile godimo. Gomme Abraham a Ba lebelela. Ba be ba bonala e le Banna ba go lebega go se tlwaelege. Gomme Yo mongwe wa Bona o bonagetše go ba Seboleledi, gomme ge A dutše fase le go thoma go bolela le Abraham . . .

⁵⁰ Abraham o rile, “Dulang mo, gomme ke tla ya go tšeа meetse a mannyane, gomme ke tla hlatswa maoto a Lena. Gomme ke tla duba borotho bjo bonnyane. Gomme re tla ba komana, gomme O ka ja lerathana la nama. Gomme morago O ka ya pele.”

⁵¹ Gomme ge a kitimela ntle ka mohlapeng, gomme a hwetša namane ye e nonngeo, gomme a e bolaya. O boditše Sarah go duba borotho bjo bonnyane le go dira dinkgwa tše dingwe.

⁵² Gomme o boletše le Monna. Ke dumela seo, ka mokgwa wo mongwe goba wo mongwe, Abraham o tsebile yoo e be e le Mang. Gomme Monna yo e bego e le seboleidi, o be a na le magetla a Gagwe a šotologetše tente. O be a le Motseta wa letšatši leo. Gomme O rile, “Abraham, Ke ya go go etela go ya ka tshepišo, mengwaga ye masomepedi tlhano pele. Ke go diretše tshepišo, gomme Ke ya go dula le yona.”

⁵³ Oo, Leina la Morena le šegofatšwe! Modimo o dirile tshepišo, “Ka matšatšing a mafelelo, O tla tšhollela ntle Moya wa Gagwe godimo ga nama yohle,” gomme O tla dula le yona. Jesu o dirile

tshepišo, gomme o rile, “Dilo tše Ke di dirago le tla di dira le lena,” gomme O tla dula le yona, gobane O no ba.

⁵⁴ Gomme Abraham o Mo lebeletše. Gomme O rile, “Feeła e ka ba ka nako ye kgwedi ye e latelago, go ya ka bophelo,” seo se be se na le Sarah, “Ke ya go go etela, gomme Sarah o ya go tlisa lesea leo Ke le tshepišitšego.” Bjale, Abraham o be a le bogolo bja mengwaga ye lekgolo, gomme Sarah o be a le masomesenyane.

⁵⁵ Gomme Sarah, ka morago ga Morongwa, ka gare ga tente, o ile... a sega.

⁵⁶ Gomme Morongwa, ka mokokotlo wa Gagwe o furaletše, o rile, “Gobaneng Sarah a segile?” Yoo e be e le Motseta. Oo, a le tseba se ke bolelago ka sona? Ke mohuta mang wa go bala monagano e bego e le wona woo, ka magetla a Gagwe a šotoletše tente, gomme yena ka gare? Gomme a myemyela. Gomme A re, “Ka baka la eng a segile?” O e tsebile. Gomme woo e be e le Molaetša wa mafelelo pele ga Sodoma le Gomora di tšhungwa. Ngwanešu, ge o O kwa, bošegong bjo, bjale ke Molaetša wa mafelelo pele lefase le le ka swa. Le bona tlhago ya Morongwa? Morongwa yola e be e le mang? E be e le Modimo.

⁵⁷ Elelwang, Abraham o Mmiditše, “Morena.” Gomme phetolelo fao ke “Elohim, yo mogolo, Jehofa yo maatla.” E be e le Jesu Kriste a tsenenamenggape.

⁵⁸ Yo mongwe o rile, “A o ra go bolela gore seo e be e le...? O hweditše bjang mmele wola?”

⁵⁹ Gobaneng, O nno bitša bona Barongwa ba babedi. Gomme o hemetše mohemo wo monnyane, ka mokgwa woo, gomme diathomo le khalesiamo le photše di tla mmogo, gomme Gabariele o tsene ka go o tee, gomme Morongwa yo mongwe ka go o mongwe. Gomme O itiretše o tee Yenamong.

⁶⁰ A go šegofatšwe Leina la Gagwe le lekgethwa! Ke thabile kudu, bošegong bjo, go tseba gore Ramaatlakamoka Modimo wa go swana, Yo a kgonnego go itirela mmele Yenamong go phela ka go wona, tshepo ya ka e ka go Yena, gore letšatši le lengwe O tla tsoša wo, bjalo ka ge A tshepišitše go dira.

⁶¹ Gomme O magareng ga rena, go direng sona selo sa go swana seo A se dirilego fale. Oo, tumišang Leina la Gagwe la letago; go re fa tshebotšo, go bolela le rena, go re botša go itokiša. Nnete, O rile, “Lebakana le lennyane gomme lefase le ka se Mpone gape. Efela, lena le tla Mpona, gobane Ke tla ba le lena, eibile ka go lena, go fihla bofelong bja lefase.” A iri ye re phelago ka go yona!

⁶² Hlokamelang, Morongwa yo a tlisitšego mollo, e bile Yena Yo a dirilego mohlolo wola. Gomme bohole re a tseba gore lefase le ya go fediswa, nako ye e latelago, ka mollo. Gomme Morongwa yo a rometšwego Sodoma le Gomora... Lebelelang se Jesu a se boletšego. Oo, go no tsikinya soulo ya ka go fihla go seo. “Bjalo ka ge go bile ka matšatšing a Noage, go tla ba bjalo ka go tleng ga

Morwa wa motho.” Morongwa yola o dirile eng? O bile le moyo wa go hlatha. Gomme O rile, “Bjalo ka ge go bile nakong yela, go tla ba bjalo ge Morwa wa motho a utollwa go tšwa Legodimong.” A le a e bona? E no naganang, gore, magareng ga rena bjale go eme Morongwa yola wa go swana wa Modimo, yo e sego yo mongwe eupša Morena Jesu Kriste, ka sebopego sa Moya wo Mokgethwa. O ka magareng ga rena, “Ka letšatšing leo.” Gomme O be a le Modimo, gomme woo e be e le Molaetša wa Gagwe feela pele tshenyo e etla.

⁶³ Bjale re tla lemoga gore e be e le Molaetša wa khunologo. O ile tlase le go leka go lokolla batho, gomme ba ganne go Mo kwa.

⁶⁴ Gomme, lehono, ke selo sa go swana ka setšhabeng sa rena, magareng ga batho ba rena. Ke bile le monyetla wa go bona Morena wa rena Jesu, ka dikopanong, a dira maswao le dimaka le dilo tše kgolo. Gomme batho ka nnete ba tla ema sefaleng le go tseba, ka godimo ga moriti wa pelaelo, gore yo—gore yo mogolo, wa go se hwe, Modimo mohlakamagomo o gona le go dira mohuta wa go swana wa mohlolo; gomme ba tla ema fale le go hlahuna motimohlahunwa, le go sepela go tloga sefaleng, ba sa tshwenyege. Ga ba kgathale.

⁶⁵ Go lebega go nna, boka, ge motho a bile le mohuta e ka ba ofe wa semoya ka yena, goba Moya wa Modimo ka go yena, gomme ge a bone Morena Jesu a dira feela se A rilego O tla se dira, go tla tsikinya pelo ya gagwe ka tsela yeo, gore a se kgone go homola boteletšana e ka ba bofe. O be a tla gotetša setšhaba ka Molaetša. “Bjalo ka ge go bile ka go wona matšatši,” O rile, “go tla ba bjalo.”

⁶⁶ Molaetša wola o ile pele, gomme ba nno o sega le go o kwera, bjalo ka yo mongwe yo a bego a bolela mohuta wo mongwe wa taba ya go tsekella. Eupša e be e le wa kgaogelo, gomme e be e le wa mogau, gomme e be e le wa khunologo. Oo, nna!

⁶⁷ Gomme Morongwa o boletše, mosong wola, go Loto, morago ga ge A file molaetša; O rile, “Phakiša, etla fa, gobane Nka se kgone go dira selo go fihla o etla fa.” Ke le nyaka le hlokomele se bjale, gobane re swanetše go kgaotša bokopana fa, ka lebaka la mothalo wa thapelo. A le hlokometše se Morongwa a se boletšego? “Nka se kgone go dira selo go fihla o etla fa.” E be e le eng? E be e le molaetša wa khunologo. Gomme pele tlhasana e tee ya mollo e ka wa go tšwa Legodimong, Lota o ile a swanela go tšwela ka ntle ga Sodoma.

⁶⁸ Gomme pele lerothi le tee la pula le ewa go tšwa Legodimong, Noage o ile ka arekeng.

⁶⁹ Gomme pele ga ge pomo ya athomo e ka ratha setšhaba se, Kereke e tla ya ka go Tlhatlogo, go kopana le Morena Jesu. Gomme ge disputiniki le dimisaele di bewa, gomme dihamola di gogelwa morago, Barongwa bohole ba eme ka lenaneo. Haleluya! Mekgoba ye megolo ya Legodimo e pitlagane go tlala. Diharepa

tšohle di ka tšuneng. Dipente tše kgolo di šetše di ikatiša. Go na le nako ya go tla Gae gabotse ka pela, bakeng sa Kereke ya Modimo yo a phelago, yo a bego a letile go Tla ga Gagwe. Se sengwe le se sengwe se lenaneong. Ke thakgetše kudu. Ke lapa kudu. Oo, go iri ye kgolo yela!

⁷⁰ Gomme go nagana, gore, re bile le karolo ka go nako ye ya magahlano! Elelwang, “Go tla ba bjalo ka go tleng ga Morwa wa motho, ge Morwa wa motho a utollwa go tšwa Legodimong.”

Bjale, elelwang, pele pula e ewa, Noage o be a le ka arekeng.

⁷¹ Pele mollo o ewa, Loto o be a le ka ntle ga Sodoma. Ka gore, Morongwa o rile, “Nka se kgone go dira selo go fihla le etla fano. Ke na le maswaro ka seatleng sa ka, go goga le go dira mello go wa go tšwa Legodimong.”

⁷² Gomme ke nagana seo ke tlwa. Morongwa wa tshenyo o swere seatla sa Russia, le dipomo tša athomo; go fihla Kereke e etla mmogo, le Mmele o tee wo mogolo wa Kriste. “Nka se kgone go dira selo go fihla le etla fano.” Oo, ge yeo e se tiišetšo ye e segofetšego!

⁷³ Gomme ge re bona se sengwe le se sengwe se beilwe lenaneong, go ya Gae ga Kereke go lenaneong. Šo Morongwa wa Modimo ka Molaetša wa go swana, a dira maswao a go swana, matete a go swana, se sengwe le se sengwe se beilwe ka lenaneo. Tabarenekele ya Branham, mengwaga ye masomepedi tlhano ya go feta, e nyakile, ke boletše godimo ga phuluphithi ye ya go swana le go le botša dilo tše di tla be di direga, le lengwe la matšatši a. Še yona! Re mo nakong ya bofelo. Magahlano a fa. Ke kgauswi le nako ya go ya Gae bakeng sa Kereke.

⁷⁴ Baswaswalatši, ba dira metlae, ba kodutla, ba kwera, bjalo ka ge ba be ba na le Kgoši Nebukadinetsara le Belesatsara. Go bile bjalo matšatšing a Noage. Go bile bjalo ka matšatšing a Loto. Gomme ba dira sa go swana lehono.

“Nka se kgone go dira selo go fihlela o etla fa.”

⁷⁵ Ke nyaka le hlokomele, Lota o tšwetše ka ntle ga se sengwe seo se bego se tla mo senya, gomme Noage o ile ka go se sengwe seo se bego sevtla mo phološago. Gomme seo ke sekai sa Kereke. Re tšwa lefaseng, le kgole go tloga go lebaka le la Elvis Presley le Arthur Godfrey leo re phelago ka go lona. Tšwelang ka ntle ga lefase gomme le ye ka go Kriste! Tšwelang ka ntle ga lefase. “Ke ba lefase, ba tla senyega le lefase.” Bao ba lego ka go Kriste ba tla ya Gae le Kriste. “Ka gore bao ba robetšego ka go Kriste Modimo o tla ba tliša le Yena ge A etla.” Re tšwa lefaseng, go ya ka go Kriste bakeng sa polokego. Oo!

⁷⁶ “Eupša Nka se kgone go dira selo go fihla o etla fano.” Ke rata seo. “Itlhaganele! Phonyokga!” Molaetša e be e le tšhoganetšo. “Itlhaganele! Itlhaganele! Phonyokga!”

⁷⁷ A go šegofatšwe Leina la Morena! Jesu o tshepišitše Ebangedi ye e tla rerwa. E be e eya pele bjale lebaka la mengwaga le mengwaga. Gomme še mo nakong ya bofelo, leswao le legolo la mafelelo. Feela pele Barongwa ba goeletša, "Itlhaganele," O retologile gomme o rile, "Gobaneng Sarah a sega?" Morongwa wa tshenyo, O rile, "Ke kwele ka ga dibe tša bona, gomme Ke theogile go bona ge eba e be e le therešo goba aowa." Gomme O hweditše gore e be e le therešo. Gomme molaetša e be e le mogau, le kgaugele, le khunologo. Eupša, "Itlhaganele! Itlhaganele!"

⁷⁸ Oo, bana, le se dule go kobama le go makala. Itlhaganeleng! Itlhaganeleng! Ka pela! Nako e batametše. Kitimelang (kae?) ntle boka dinonyana tše nnyane di dirile, eyang kgole go tloga go maboto a magolo a sebjalebjale a Babilonia, dikerekemaina tše kgolo tše tša kgale tše di rego, "Ga go phapano ka nakong." Dikereke tše kgolo tše tša kgale tše go se dumele tše di rego, "Ga go selo se se bjalo bjalo ka phodišo ye Kgethwa. Ga go mehlolo." Eyang kgole go tloga go wona maboto, ka gore a ya go šwalalana. Ba ya tlase ka tshenyego le go fenza, gobane Modimo wa ka o boletše bjalo.

⁷⁹ Kitimelang ntle ka bogareng bja Khalibari mošola! Ge dinonyana di ile mehlareng, o ye mohlareng, le wena, mohlare wola moo Kriste a bapotšwego. Fale lekelela mo bogareng bja kgaogelo ya Gagwe, le go goeletša go Modimo go fihlela ledimo le fetile.

⁸⁰ Itlhaganeleng! Phonyokgang! "Etlang mono, gobane Nka se dire selo go fihla le tšwela ntle." O le letile. Tlogang go dilo tše tša kgale tše sebjalebjale. Tlogang go thelebišene yeo ge yona mehuta ya dipapadi etla pele. Hwetšang... Timang seyalemoya sela ge rokenrole ye e thoma. Itshware boka mohumagadi. Apara boka mohumagadi. Itshware boka monna. Apara boka monna. Bolela boka Mokriste. Phela boka Mokriste. Tšuma maporogo ohle. Itlhaganele! Tšwela ka ntle! Tshenyo e kgauswi. Modimo o tenegile.

⁸¹ Oo, go thari go feta le nagana. Iri e batametše. Kgaogelo ya Morongwa, Morongwa wa kgaogelo Yo a rometšego Molaetša wa Gagwe, o thwi mo bošegong bjo. A le a e dumela? A Kereke e swanetše go ya pele ga sekga sa Tlaišego?

⁸² Lebelelang, Israele e ile ka Gosene, gomme Egepeta e ile leswiswing. Egepeta e tsene ka Gosene, e tšeetšwe go naga ya tshepišo. Egepeta e ile ka leswiswing, gomme e bolokilwe ka Lewatleng la go Hwa.

⁸³ Itlhaganeleng! Itlhaganeleng! Phonyokgang! Seo e ka no ba sebakabotse sa lena sa mafelelo. Gomme elelwang, re bona dimisaele di dutše. Re a di kwa, re e lebelela ka pampiring. Lefase ka moka le a roromela. Se sengwe le se sengwe seo Modimo a se boletšego se tla go phethega.

⁸⁴ Gona go reng ka yona? “Mo letšatšing leo Morwa wa motho a tla ikutollago Yenamong go tšwa Legodimong.” Morwa wa motho ke eng, a utollotšwego? Jesu Kriste wa go swana maabane, lehono, le go ya go ile. Lebelelang temana ya 21, goba temana ya 30, ke yona.

Ebile go tla ba bjalo ka matšatšing ge Morwa wa motho a utollwa go tšwa legodimong.

⁸⁵ Ke eng? Molaetša wo woo... Selo se ga se sa ke sa direga ge e sa le Jesu a be a le lefaseng. Gomme še yona, mo bofelong bja lebaka la Bantle. A re e lebeleleng feela nakwana, gomme re nagane thata.

⁸⁶ Ge Jesu a be a le mo lefaseng, Yena ga se a ke a tteleima go ba mofodiši. O rile, “Ga se Nna yoo a dirago mediro; ke Tate wa Ka. Eupša Ke dira feela se Tate a Mpontšhago go se dira.” Mokgethwa Johane 5:19, O rile, “Ruri, ruri, Ke re go lena, Morwa ga a kgone go dira selo ka go Yenamong, eupša se A bonago Tate a se dira.”

⁸⁷ Ge le ka hlokomela Filipi, ge la mathomo a sokologile. Aowa... Sa pele A thomile bodiredi bja Gagwe, Morena Jesu, go diregile eng?

⁸⁸ A re boneng ka fao Morwa wa motho a yago go ikutolla Yenamong. Ge A swana maabane, lehono, le go ya go ile, O tla swanela go ikutolla Yenamong boka A dirile maabane. Ge A utolla sa go swana, O tla swanela go utolla Molaetša wa go swana. Ka setu, le go šetša.

⁸⁹ Ge Petro a etla go Yena ka morago ga bodiredi bja Gagwe, Mokgethwa Johane 1. Petro o sepeletše godimo go Yena. O be a sa bitšwe Petro nako yeo; o be a bitšwa leina le lengwe. Gomme ge a sepeletše godimo go Yena, O rile, “Wena o Simone, gomme tatago ke Jona.”

Motheadihlapi yola wa kgale o naganne, “O ntsebile bjang?”

⁹⁰ Gomme ka gona Filipi, go tšwa Bethesta, le yena, o ya godimo go dikologa thaba, gomme o hwetša mogwera, Nathaniele, ka tlase ga mohlare, a rapela. O rile, “Etlala, bona yo re mo hweditšego: Jesu wa Nasaretha, morwa wa Josefa.”

Šetšang bjale ka fao A ikutolotšego Yenamong.

⁹¹ Gomme o rile, “Bjale a go ka ba le selo se itšego se sebotse go tšwa Nasaretha?”

⁹² O rile, “Etlala gomme o bone.” Yeo ke karabo ye kaonekaone motho e ka ba mang a ka fago yo mongwe. O se e swaswalatše. Etlang, ikhweletše ka bowena. Oo, ge re ka no ba ba go hlokokala, lehono.

⁹³ Gomme tseleng ya gagwe go dikologa, a thoma go mo laela. Gobaneng, o rile, “Petro, maabane, monna... Keyafa, o tseba motheadihlapi wa kgale?”

“Ee.”

⁹⁴ “O sepeletše godimo pele ga Monna yo, gomme A mmotša gore o be a le mang le gore papagwe e be e le mang.”

“Aa,” go boletše Nathaniele, “ga ke tsebe ka seo.”

⁹⁵ Gomme ge a sepeletše godimo moo Jesu a bego a le gona, ka mothalong moo A bego a rapelela balwetši, Jesu o hlabile mahlo ale go yena, gomme O rile, “Bonang, Moisraele yo ka go yena go sego bomenetša.”

⁹⁶ O tsebile bjang gore o be a le Moisraele? Bagerika le bohle, ba apere go swana gomme ba lebelelega go swana. O tsebile bjang gore o be a le Moisraele? O be a le Modimo a bonagaditšwe nameng. O dirile eng? O lebeletše gomme A mmona.

O rile, “O ntsebile neng, Rabi?”

⁹⁷ O rile, “Pele Filipi a go bitša, ge o be o le ka tlase ga mohlare, Ke go bone.”

⁹⁸ O rile, “Seo se a e ruma. Wena o Morwa wa Modimo. Wena o Kgoši ya Israele.”

⁹⁹ Jesu o rile, “Ka gobane Ke go boditše se, o a dumela?” O rile, “Gona o ka bona dilo tše kgolokgolo go feta se.”

¹⁰⁰ Eupša moleloko wa kereke wa go se dumele o eme kgauswi. Oo, feela ka tlhomphokgolo le go kgwahla ka fao ba ka bago. Ka kgontha. Ba be ba eme fale ka dithuto tše kgolo, maitemogelo a magolo a seminari a thutamodimo. Ba rile, “Monna yo ke mmolelelamahlatse. Ke Beletsebubu.”

¹⁰¹ Jesu o rile, “Le bolela seo go Nna, Ke tla le lebalela. Eupša ge Moya wo Mokgethwa o tlide le go dira selo sa go swana, lentšu le tee kgahlanong le Wona le ka se tsoge la lebalelwa, ka go lefase le goba ebole le ka go lefase le le tlago.”

¹⁰² Go bile le mosadi yo monnyane yo a bilego le taba ya madi. Gomme o tlide go kgabola lešaba gomme a kgwatha seaparo sa Gagwe, ka gore o boletše ka gare ga gagwemong, “Ge nka kgona go kgwatha Monna, ke tla dirwa go loka.” O Mo kgwathile. O tšhabetše ka lešabeng, gomme a dula fase, goba e ka ba eng a e dirilego.

Gomme Jesu a retologa go dikologa, a re, “Ke mang yo a Nkgwathilego?”

¹⁰³ Petro o Mo kgadile. O rile, “Lebelela, lešaba ka moka le a Go kgwatha. Gobaneng O re ‘Ke mang a Nkgwathilego?’”

¹⁰⁴ O rile, “Eupša ke fokotše. Bokwala, goba maatla, a tšwele go Nna.” Gomme O lebeletše go dikologa, ka mahlo ale, go fihla A mo hweditše. O e dirile bjang? Seo ga re se tsebe. Eupša O a swana maabane, lehono, le go ya go ile. Gomme O ikutolotše Yenamong go setšhaba sa Bajuda ka mokgwa woo.

¹⁰⁵ Ge A etla go Basamaria, mosadi o be a le sedibeng, mosadi wa go ratega wa Mosamaria.

¹⁰⁶ Elelwang, go na le feela ditšhaba tše tharo tša batho. Seo ke, Mojuda, Montle, le Mosamaria; Hama, Seme, le batho ba Jafete. Gomme Mosamaria e be e le seripa sa Mojuda le seripa sa Montle. Gomme le elelwa ge e thoma, ge ba nyetše basadi ba bona, le go ya pele.

¹⁰⁷ Gomme mosadi yo moswa yo o tla godimo kua, yo re dumelago ka nageng ya rena go ba mosadi wa tumo ye mpe, eupša o be a se. Mošemanе yo go tšwa India o kgonne go le botša seo. Ye ke Puku ya bohlabela, gomme le leka go e bala ka thuto ya bodikela.

¹⁰⁸ Ge ke ile India, le go tloga go bo-bo boemafofane, ka Bombay, go be go le pišopo wa kereke ya Methodist, le ka moka ga bona, ba eme fale. Ba re, "O se ke wa re botša gore o moromiwa, Mna. Branham. Re tseba kudu ka Beibele go feta lena Mayankee le tla tsogego la tseba." Gomme yeo ke therešo. O rile, "Re bile le Beibele mengwaga ye dikete tše pedi pele le ka ba setšhaba." Yeo ke nnene. Kereke ya Mokgethwa Tomase e sa le fao, moo Mokgethwa Tomase a ilego tlase le go rera. "Eupša," o rile, "re kwešiša gore Modimo o go etetše, go dira Beibele ye go phela gape." O rile, "Seo ke se re nyakago go se tseba." Yeo ke yona. Lefase le swerwe ke tlala bakeng sa borotho bjo bo phelago.

¹⁰⁹ Mosadi yo wa Mosamaria, ge a eme sedibeng, Jesu o rile go yena, "Mosadi, Ntlisetše seno."

¹¹⁰ Gabotse, o rile ba bile le kgethologanyo. Eupša O mo dirile a tsebe gore go be go se phapano. Modimo o dirile, ka madi a tee, batho bohole.

¹¹¹ Gomme O rile, "Ge nkabe o tsebile Yo o bego o bolela le yena, o be o tla Nkgopela seno."

¹¹² Gomme poledišano e ile pele go fihla A swere moya wa gagwe. Morago O hweditše se bothata bja gagwe e bilego. O rile, "Sepela o bitše monnamogatša wa gago gomme le tle fa."

¹¹³ Go diregile eng ge Mojuda a boditšwe seo? Mojuda o rile, "Wena o Morwa wa Modimo." Yeo ke nnene.

¹¹⁴ Go diregile eng ka Mosamaria ge a boditšwe seo, o rile, "Sepela o tše monnamogatša wa gago gomme le tle mo"?

¹¹⁵ O rile, "Mohlomphegi, ke a bona gore O moprofeta. Bjale, re a tseba gore ge Mesia, yo a bitšwago Kriste, ge A etla, O tla re botša dilo tše. Eupša O mang?"

O rile, "Ke nna Yena yoo a boleLAGO le wena."

¹¹⁶ O kitimetše ka toropongkholo, gomme o rile, "Etlang, bonang Monna yo a mpoditše dilo tše ke di dirilego. A yo ga se Mesia?"

¹¹⁷ Gomme ga se nke A dira seo, nako ye nngwe, go Montle. Gobaneng? O e tlogetše go fihla letšatši le. Seo ke se A se boletšego mo, "Ka matšatšing ge Morwa wa motho a tla ikutolla

ka Boyena go tšwa Legodimong.” O ikutolla Yenamong bjale, go Kereke, bakeng sa kgaogelo. Nako ye e latelago ge A ikutolla ka Boyena, ke tshenyego, go bao ba gannego Molaetša.

¹¹⁸ Modimo eba kgaogelo bakeng . . . go rena, ge re rapela feela nakwana. *Ka Boleta Le Bonolo*, Kgaetšedi Gertie, ge o rata.

¹¹⁹ Ke no makala, bošegong bjo, ke le kwelabohloko le eme go dikologa leboto. Gomme ke kgona go kwa ditetelo tša lena. Ke no makala, oo, ge o ka botega le wenamong le Modimo, feela nakwana.

¹²⁰ A ka kgonthe le nyaka go hlaganelo le go tšwela ka ntle ga se? Go na le Monna ka bogoneng bošegong bjo, o bitšwa Morena Jesu. O na le thekethe bakeng sa gago, gomme tšohle o swanetšego go di dira e no ba go Mo fa pelo ya gago. O tla e hlatswa ka Mading a Gagwe Mong, gomme a e hlwekisa go tšwa sebeng sohle le go kamaka, gomme o tla go tšeela Legodimong la Gagwe ge A etla.

¹²¹ Gomme e ka no tla pele ga moso, diseputniki. Ga go selo se tee saense e se bolelago . . . Le a e kwa, letšatši le lengwe le le lengwe, mo seyalemoyeng, ge ba le mo thelebišeneng, ge ba botšollissa saense ye. Ba re, “Fao ga go selo sa go šitiša lefase le go thuthupišwa ka motsotsso ofe kapa ofe.” Go no tsea go nwa mo go botse ga Vodka, gomme ba tla goga maswaro, gomme yeo ke yona.

¹²² Itlhaganeleng! Molaetša ke wa tšhoganetšo. Itlhaganeleng! Phonyokgang! Tšhabiša bophelo bja gago! Tšwela ka ntle ga yona. Tšwela ka ntle ga Babilonia ye ya sebjalebjale. Tloga go tšwa mabotong. A ga o kgone go kwa se sengwe se kgwatha pelong ya gago? Ge o le wa semoya ka kgonthe, gomme Modimo a bolela le wena! Ka kgonthe, ge A boletše le dinonyana tšela tše dinnyane, A ka bolela le wena.

¹²³ A o ka phagamišetša seatla sa gago go Yena? Ga re ne sekgoba go bea batho go dikologa aletara. Eupša ge o ka no phagamiša seatla sa gago, le go re, “Modimo, nkgaogelete.” Modimo a go šegofatše, ngwanešu. Modimo a go šegofatše. Oo, nna! Gohlegohle moagong. Ga ke tsebe ke diatla tše kae di lego gona. “Nkgaogelete, O Modimo. Se ke seatla sa ka. Ke nyaka go phonyokga, Morena. Pele ga moso, nka no kwa kgoeletšo, ke lebeletše ntle gomme melalatladi e tla be e phaphamala go kgabola mafaufau, Morwa wa motho o tla be a etla.”

¹²⁴ A letšatši la go šiiša, gore o fošitše sebakabotse sa gago. O eme thwi go dikologa kereke ya gago, a ga se wa? “Oo,” o rile, “mama o be a le wa ye.” Seo se lokile, ngwanešu. Seo se lokile, kgaetšedi. Eupša phološo ya mama e ka se tsoge ya go tšeela ka gare. Mama o be a dula ka gare letšatši le lengwe, gomme o phela ka go le lengwe.

¹²⁵ Ekwa Molaetša wa Morena, gomme ekwa tshebotšo ya Moya. Ke mohuta mang wa Moya O bilego, Yena yola yo a hlathilego ka fao Sarah a bego a sega ka gare ga tente? Morongwa wa Morena.

¹²⁶ Bjale ka dihlogo tša lena di inamišitšwe, ke nyaka go rapelela yo mongwe le yo mongwe wa lena.

¹²⁷ O dirile eng ge o bea diatla tša gago godimo? O re, “A seo se be se era e ka ba eng, Ngwanešu Branham?” Kgonthe o dirile. Ge ka kgonthe o be o era seo, go be go era phapano gare ga lehu le Bophelo. Molaetša ke tšhoganetšo. A o ka se bee seatla sa gago godimo thwi bjale? “Eba le kgaogelo, Modimo, go nna.”

¹²⁸ Modimo a šegofatše mosetsana yo monnyane. Modimo a šegofatše mohumagadi. Modimo a go šegofatše; wena, morwa; wena, wena, lesogana. Bana ba bannyane go bapa le dialetara tše ba na le diatla tša bona tše nnyane godimo. Gabotse, šegofatša dipelo tša bona tše nnyane!

O re, “Ga ba re seo.” Oo, ee, ba a dira.

¹²⁹ Jesu o rile, “Lesang bana ba bannyane go tla go Nna, le se ke la ba thibela, gobane mmušo wa Modimo ke wa ba babjalo.” Ba ka no se phele go ba ka bogolwaneng. Eupša, ba tla ba. Ba ka se tsoge . . . Ba tla phonyokga, mohlomongwe, dilo tšohle tše kgolo tše re ilego ra swanelo go di kgabola.

¹³⁰ “Modimo, eba le kgaogelo!” Ge o phagamiša diatla tša gago, go a bontšha gore go na le se sengwe ka go wena se dirile sephetho. Mmele wa gago o tla be o hwile ge go be go se se sengwe ka go wena, seo se rilego, “Phagamiša diatla tša gago.” Woo e be e le Moya. Gona o phagamiša seatla sa gago. Modimo o e hlatseditše. Moya o go dirile o phagamiše seatla sa gago.

¹³¹ Modimo a le šegofatše, le bana ba bannyane bohole morago kua. Ba bannyane bale, bana ba makhala, le bona, mmogo kua, Modimo a šegofatše dipelo tša lena tše nnyane, hani. Modimo o a le rata. Nnete.

¹³² Re ya go tšwa fa, le lengwe la matšatši a. Ga ke tsebe e tla ba neng, eupša go—go etla. Itlhaganele, thwi ka pela, tsena ka mmušong! O re, “Gabotse, ke kwele seo pele.” O ka no se kwa lekga la mafelelo, le wena. A ye e be nako.

Modimo a go šegofatše morago fao, mohumagadi yo moswa.

¹³³ Eya kgole go tloga go selo sohle se sa kgale sa sebjalebjale, maboto a a kgale. Ohle a tla wela fase. Rokenrole yohle ye le tšohle dilo tše di tla senyega le lefase. Le se ke la akaretšwa ka lefaseng. Tšwang fao. Modimo o tlela Kereke ya Gagwe. O go kgethile, ke ka baka leo A bolelago le wena. Molaetša ke wa tšhoganetšo. Etla ka pela!

¹³⁴ Bjale, ge re rapela, hlokofalang bjale gomme le kgopele Modimo go ba le kgaogelo go lena.

¹³⁵ Morena wa go šegofala, go ka no ba batho mo ba sego ba ke ba tsoge ba bona go šoma ga maatla a Modimo pele, eupša se sengwe tlase ka pelong ya bona se rile, “Phagamiša seatla sa gago. Ke Nna.” Gomme ba a bona gore go na le pitšo ya tšhoganetšo. Bona, bona ba hlalefile go lekanela go lebelela go dikologa le go bona gore go na le se sengwe se lokelago go direga.

¹³⁶ Bana ba bannyane, bontši bja bona ba Bea diatla tša bona tše dinnyane godimo. Modimo, eba kgaogelo go bona. Bontši bja batšofe le ba mengwaga ya magareng, ba beile diatla tša bona godimo. Baswa ba Bea diatla tša bona godimo. Ba nyaka kgaugelo, Modimo. Gomme ke thabile kudu go tseba gore kutollo ya pele ya Kriste ke kgaogelo; kutollo ya bobedi ke kahlolo. O Modimo, ke a Go leboga ka ba ba tšerego kgaogelo bosegong bjo, tsela ya kgaogelo. “Ba lehlogenolo bagaogedi, gobane ba tla hwetša kgaogelo. Ba lehlogenolo ke ba ba swerwego ke tlala le lenyora la toko; ba tla horišwa.”

¹³⁷ Gotetša mabone a bona, bosegong bjo, Morena. A nke ba be dikerese tše di dutšego godimo ga thaba, tše di sa kgonego go fihlwa, eupša di fa seetša go dikolo le mafelo moo di tla kopanago, go tloga ka morago ga fa. E fe, Morena. A nke ba be dietša tše di tla phadimago bakeng sa letago la Modimo. Ba šegofatše.

¹³⁸ Gomme ka letšatšing le lengwe, ka lefaseng le lekaonana, Morena, a nke bohole re kopane go dikologa tafola ye kgolo yela ya Modimo, ka Selalelong sa Monyanya. Boloka Moya wa Gago godimo ga rena, Morena. Šegofatša bale ba emego go dikologa maboto, le ntle ka setupung le go dikologa, bao ba phagamišitšego diatla tša bona, le go ya pele. Eba le bona, Morena. Ba eme, le maoto a go ngangega, bosegong bjo. Eupša, eba le kgaogelo. Efa dilo tše.

¹³⁹ Ke dikenya tše Molaetša wo monnyane wo wa go potlakišwa bosegong bjo. Ke a rapela gore barongwa ba Modimo ba tla e dira kgonthe kudu go dipelo tša bona, gore ba ka se ke—ba ka se foše e ka ba efe ya Wona. Gomme ke dikenya, gomme ke ba neela go Wena. Gomme O ba fa Jesu, gobane ke dimpho tša Gago tše lerato go Yena. “Ga go motho a ka go ba utla go tšwa seatleng, gobane ga go yo a lego yo mogolwane go feta Modimo.” Gomme ke a rapela gore O tla ba boloka ba bolokegile ka go bolokega go fihla Jesu a ba tlela.

¹⁴⁰ A nke ka moka ga bona ba hlaganele, Morena, le go itlhaganelo, ka gore Molaetša ke wa tšhoganetšo. Re swanetše go tšwela ntle ka pela pele tshenyego e etla. Gomme bjale, Morena Modimo, ke a rapela gore O tla romela Morongwa wa Gago, Yena yola wa go swana yoo a dutšego le Abraham. E fe, Morena. Gomme o kgonne go bolela se Sarah a bego a se dira, morago ka tenteng. Gomme yoo e be e le Morongwa wa Kgwerano. Yoo e be e le Morongwa yo a tlišitšego kgaogelo pele mollo o ewa.

Bontši nako efe kapa efe, mollo o ka wa bjale, diathomo tšeо di tla thubago lefase ka moka ka bobedi. A nke A tle bošegong bjo le go re fa kgaogelo, Morena, ka gore re e kgopela ka Leina la Jesu. Amene.

¹⁴¹ Oo, go na le se sengwe ka Ebangedi ya kgale ya go šegofala, E bonala e le gohla. Ke a E rata.

¹⁴² A re nong go opela yeo nako ye nngwe, “Ka boleta le bonanana Jesu o a bitša.” Yo mongwe le yo mongwe, a re nong go phagamišetša diatla tša rena go Yena. A le tla e dira?

Ka boleta le bonolo Jesu o a bitša,
O bitša wena le nna,
Le ge re dirile sebe, O ne kgaogelo le tshwarelo,
Tshwarelo sebakeng sa gago le sebakeng sa ka.
Tlaa gae, tlaa gae, (Go no tswalelwa ka gare
le Kriste bjale.)
Wena o lapilego, tlaa Gae;
Ka tlhokofalo, bonolo, Jesu o a bitša,
A bitša, O modiradibe, etla gae!

¹⁴³ [Lefelo la go se be le selo godimo ga theipi—Mor.] . . . ga se la ke la ba ka go e tee ya ditirelo tša rena tša phodišo pele, a re boneng diatla tša lena. Ga se nke la ba ka ditirelong? Yeo e lokile. Ke thakgetše kudu go ba le lena fa.

¹⁴⁴ Bjale, ga ke tteleime go ba mofodiši. Ke tteleima gore Jesu ga se a hwa, eupša O a phela. Ga se nna mofodiši. Ga go bafodiši. Kriste o šetše a go fodišitše. “Ka megogoma ya Gagwe o fodišitšwe.”

¹⁴⁵ Eupša ke nyaka go le botšiša se sengwe bosetlaboswana. Bjale, wena mohlomongwe o ya kerekeng. Ba bantši ba lena le emišitše seatla sa lena feela nako yeo, wa emiša seatla sa gago bakeng sa thapelo, lebakana la go feta. Ge o se na le kereke ya kgetho, re go amogela go Tabarennekele ya Branham mo, moo wa rena morategi Ngwanešu Orman Neville, monna wa bomodimo yo a sa rutego selo eupša therešo, go tšwa Beibeleng. O amogetšwe go kopanelo ya rena. Re no . . . E sego kerekeleina. Re no ba kereke mo, kopanelo. Ke rena Mamethodist, Mabaptist, Presbyterian, Pentecostal, Lutheran, ke rena bohle. Ke rena Bakriste ba re go ratago. Gomme re a rapela gore o tla o ikhweletša . . . Ge o sa kgone go tla mo, ikhweletše kereke legae y botse, felotsoko, moo ka kgonthe ba rerago Ebangedi, le gore e kgone go fepša ke Moya wa Modimo.

¹⁴⁶ Gohle go dikologa, go kgabola moago, bošegong bjo . . . Ge Morena Jesu a tsogile go tšwa bahung, gomme ke le boditše Therešo, gona Modimo o tlemegile go Lentšu la Gagwe, go e dira bjalo. Le a bona?

¹⁴⁷ Oo, le se ke la boifa go Le tshepa. Yeo e ba gore Beibele, Ke Therešo, goba Ga se Therešo. Ge E se Therešo, Ke mofori yo

mogologolo yo a kilego a ngwalwa, ka gore E na le dimilione tše di forilwego. Ke eme, makga a mantši, le Korana ka seatleng se tee le Beibele ka go se sengwe, pele ga Bomohammedan, le go re, “E tee e a rereša gomme ye nngwe e phošo. A nke Modimo, yo e lego Modimo wa kgonthe, a bolele.” O se boife. A ka se tsoge a tlogetše. A ka se tsoge a tloga.

¹⁴⁸ Bjale, Morena Jesu, ge A be a le mo lefaseng, mediro ye A e dirilego, ye re sa tšogo e tsopola, O tshepišitše gore O tla tla gape pele ga bofelo bja nako gomme o tla dira dilo tša go swana. O rile O tla e dira ka Kereke ya Gagwe. Bjale, O rile, “Ke nna Morara, lena le makala.” Bjale, Morara ga o enywa kenywa. Makala a enywa kenywa.

¹⁴⁹ Bjale, ge e le morara wa lefodi, o tla enywa mafodi. Ge e le morara wa legapu, o tla enywa magapu. Ge e le morara wa mokopu, o tla enywa mekopu. Ge e le morara wa moterebe, o tla enywa diterebe.

¹⁵⁰ Ge e le morara wa Bokriste, o tla enywa Kriste, Bophelo bja Kriste, mediro ya Kriste. Le a bona? Gona, meboya ya ren a swanetše go fiwa matšato ke se sengwe.

¹⁵¹ Ke thabile kudu go ba ka go Yena, bošegong bjo. Ga le tsebe, mohlape wo monnyane, ka fao go ntirago go ikwela, go tseba fa, ke bogolo bja mengwaga ye masomenne seswai, mokgalabje. Gomme ke rerile bjale lebaka la mengwaga ye masomepedi šupa. Magetla a ka a a kobama. Gomme, oo, ke a lemoga ga ke mošemanne yo monnyane yola a bego a fela a bapala dimabolo ntle mo mokgotheng. Eupša go selo se tee ke se tsebago, ke nna mohlanka wa Gagwe. Bokaone ke be le seo go feta tšohle ke di tsebago. Gobane ke botse bofe e ka ba eng gape e bo dirago?

¹⁵² Ke lekile go botega le lena batho. Ke lekile go dira se sengwe le se sengwe nka kgonago go botega le go loka le go rereša, ka bogoneng bja lena le ka bogoneng bja Modimo, gobane ke a tseba O re šeditše nako yohle. Bjale, ge nka kgona . . .

¹⁵³ Ke tla le botša bjale. Molaetša wo monnyane wo bošegong bjo, ke lekile go tlogela ka pela, eupša ke a rapela gore Modimo o tla iša ka moka ga wona go pelo ya gago. Itlhaganeleng! Itlhaganeleng! Itlhaganeleng! Etšwang ka Babele, feela ka pela ka mo le ka kgonago. Le se ke la dula ka lefaseng. Tlogang go tšwa go ditšiebadimo tše. Tšwelang ntle! Tšwelang ntle mo, mahala, le Kriste. Tlogang go dilo tše. Ka gore ga le tsebe ke iri efe yeo go ka no se be le selo eupša feela lerole le le tlogetšwego lefaseng le, feela digase, gomme lefase la kgale le rathagane ka diripana. E ka direga pele tirelo ye e tswalela, gomme e ka se thulane le Mangwalo le gatee. E tla no phethagatša Mangwalo. Ebangedi e rerilwe. Mo go tla Molaetša wa mafelelo.

¹⁵⁴ Bjale, le se ke la lebelela dilo tše kgolo ka moso. Amerika e dirile sebe go tloša letšatši la gagwe la mogau. Yeo ke nnete tlwa. Le e marakeng ka Dibeibeleng tša lena gomme le hwetše ge eba

ke nepile goba phošo. O bile go kereiti ya tlase bjale lebaka la mengwaga ye mebedi.

¹⁵⁵ Billy Graham o rile, mo difihlolong tša gagwe e se kgale botelele. O swere Beibebe godimo. O rile, “Seelo sese. Paulo o ile ka toropongkgolo gomme o bile le mosokologi, a bowa morago ngwaga wo o latelago gomme go bile le masometharo.” O rile, “Ke ya ka toropongkgolo le go ba le tsošeletšo, ya basokologi ba dikete tše masomepedi, le go bowa morago mo dikgweding tše tshela gomme ga ke kgone go hwetša mohlomongwe masomepedi.”

¹⁵⁶ Molato ke eng? Go no ba dihlapi tše ntši ka mogobeng. Go no ba ba bantši bao Modimo a ba tsebilego pele ga motheo wa lefase, gomme ba kgethetšwepele go ya Bophelong bjo Bosafelego. Ge yola wa mafelelo a etla ka gare, seo se a e ruma.

¹⁵⁷ Go be go no ba dinonyana tše dintši kudu di ilego ka arekeng, feela diphoofolo tše dintši tša go fapano di ilego ka arekeng yela. Gomme mojako wa tswalelwā, ke Modimo, gomme go tlogetšwe ka moka ga tšona ka ntle, le ge di lekile go tsena ka gare.

¹⁵⁸ Gomme mogwera morategi wa ka, ge o se ka gare, tsena ka gare thwi bjale, ge Modimo a bitša, gobane mabati a kgaogelo a ka tswalelwā, go Bantle, nako efe kapa efe. Bjale, gomme bjale se ke se dirago, bjale, ke tla ba . . . Se ke se bolelago bjale . . .

¹⁵⁹ Ke boletše, le mantšu a ka, ge ke rerile lebaka la diiri, go ka se re seripa bontši bjalo ka lentšu le tee go tšwa go Kriste wa rena wa go ratega. Bjale, eupša se ke se rerilego, e ba gore ke boletše Therešo goba maaka. Ge ke boletše maaka, Modimo a ka se be le selo go dira le yona. Ge ke boletše Therešo, Modimo o tla ema ka morago ga Lentšu la Gagwe.

Ke tše bakae le bolelago? Le file ntle dikarata tše masometlhano?

¹⁶⁰ Ke tla le laetša gobaneng re swanetše go fa dikarata ntle, ge le na le kopano ya tlhatho. Ga ke bolele gore O tla e dira. A ka no se ke. Eupša ke le nyaka le botege le nna. Ke ba bakae ka mo ba ka ratago go tla ka mothalong bjale? Phagamišang diatla tša lena, gohlegohle moagong, e ka ba kae le lego. Yo mongwe le yo mongwe ka moagong yo a nyakago go tla ka mothalong, emišang diatla tša lena. Bjale go tla ba bjang . . . Ke mang a tla bago pele? Le a bona? Le ka se kgone go e dira. Re swanetše go fa dikarata ntle, gore re boloke mo—mo mothalo.

¹⁶¹ Bjale, o file ntle dikarata tše masometlhano. Gomme a re nong go bitša go tšwa gohle go dikologa, go kgabola sehlopha sela sa dikarata, gomme seo se tla fa yo mongwe le yo mongwe sebaka go ya pele.

¹⁶² Bjale, ga se se se diregago *fa*. Ke se se diregago *fa*. Le a bona? Ga se, nkgwatheng. Ke, kgwatha Yena. Ke ba bakae ba tsebago gore Testamente ye Mpsha, Puku ya Bahebере, e boletše seo thwi

bjale, gore, “Kriste ke Moprista yo Mogolo yoo a kgonago go kgwathwa ke maikutlo a mabofokodi a rena”? Gabotse, o tla tseba bjang o Mo kgwathile? Ka, O bolela thwi morago, feela boka A dirile. Ge A swana maabane, lehono, le go ya go ile, O swanetše go iponagatša Yenamong feela go swana le ge A dirile maabane le go ya go ile. Kafao, le bona molaetša wa mafelelo go Bajuda le bona, ka fao A e dirilego? Bjale ye ke ya maf- . . .

¹⁶³ Ge A iponagatša Yenamong ka tsela e ka ba efe ye nngwe, ka kerekeleina, O tla ba go hloka toka. Yena ga se a ke a iponagatša ka Boyena ka kerekengleina, ka gore fao go be go se kerekeleina ka matšatšing a Gagwe. O iponagaditše ka Boyena ka sa kagodimogatlhago, bjalo ka ge re boletše mosong wo, boka mongwalo wa seatla lebotong, tlathollo. O a swana maabane, lehono, le go ya go ile. Modimo a be le lena bjale.

¹⁶⁴ O rile, “Tee go fihla go masometlhano.” Go lokile. Ke mang a nago karata ya thapelo nomoro tee, a o ka no phagamiša seatla sa gago. Lebelelang dikarata tša lena. Yo mongwe mo mepetaneng, goba e ka ba kae, gomme ga a kgone go emelela, yo mongwe le yo mongwe lebelela go karata ye nngwe le ye nngwe. E no ba karata ye nnyane. Ga ke nagane tše di ne seswantšho sa ka go tšona, ebile. E no ba karata ye nnyane ya molaleng. Nomoro tee, e ka ba kae o lego. [Ngwanešu o re, “Thwi fa.”—Mor.] Go lokile. A o ka no ema moo o lego, mohlomphegi. Nomoro pedi, a o ka phagamiša seatla sa gago. Mohumagadi thwi fa. Nomoro tharo, a o ka phagamiša seatla sa gago. [Lefelo la go se be le selo godimo ga theipi.]

¹⁶⁵ Re basetsebane. Ye ke nako ya rena ya mathomo ya kopano gona, bophelong, ke a eleletša. Ka gona, Morena Modimo o tseba bobedi bja rena. O tseba tšohle ka wena, gomme O tseba tšohle ka nna. Eupša ge Yena, ka botho bja Gagwe, a ka kgona . . .

¹⁶⁶ Ge nka re go wena, “Oo, mohlomphegi, o a babja. Gomme ke . . . O ya go fola.” O tla ba le tokelo ya go belaela seo. Batheeletši bale ba tla ba le tokelo go makala, go seo. Nnete. O na le feela lentšu la ka.

¹⁶⁷ Eupša ge Moya wo Mokgethwa o ka tla le go mmotša se sengwe seo a se dirilego, se sengwe seo ke sa tsebego selo ka sona, seo se bilego, o tla tseba ge eba yeo ke therešo goba aowa.

¹⁶⁸ Gona ge A tseba se se bego se le, ka kgonthé, ge seo e le nnete, A ka go botša se se tla bago, gomme se tla loka.

¹⁶⁹ O swanetše go dumela seo, Mdi. Cox, a ga wa swanela? Mdi. Cox a dutšego fale, ke nno direga go mo lemoga, go tšwa Kentucky, godimo fa. Yola ke wa Mdi. Wood . . . fa felotsoko ka kerekeng, mmagwe. Kankere šetše e jele sefahlego sa gagwe, ka fa.

¹⁷⁰ Ke be ke etla tlase go tšwa godimo ka dikgweng tša leboa. Mosadimogatša wa ka o nteeditše, o rile, “Ga se nke ka ke ka bona e ka ba mang a tshwenyegile bophelong bja ka, bjalo ka—

bjalo ka Mdi. Wood.” Gomme Mna. le Mdi. Wood ke bagwera ba ka ba hlogo ya kgomo. Gomme ke ile godimo go mohumagadi, ka tla morago ntle ka O RIALO MORENA. Kankere e hwile.

¹⁷¹ Fale, mosadi a dutše fale, gomme o ka se kgone go bolela se . . . A o ka no phagamela godimo, Mdi. Cox, gore batho ba kgone go bona. Lehlakore ka moka la nko ya gagwe le tšohle, le jewa ke kankere, thwi go ya ka mahlong a gagwe. Retologa go dikologa gore batheeletši ba kgone go go bona morago kua. Kankere.

Ka mehla O a rereša. Ga A tsoge a phoša.

¹⁷² Bjale, ge Morena Modimo wa rena a ka utolla go ngwanešu yo, a a be moahlodi, ge Morena Modimo wa rena a ka utolla go yena se a lego mo bakeng sa sona. Goba, se sengwe boka A dirile mosadi go . . . Goba, boka A ka bolela boka A dirile go Filipi, ge Nathaniele a mo hweditše . . . goba Nathan- . . . Filipi o hweditše Nathaniele. Gomme o tla e utolla; a lena bohle le tla dumela, lena batho bohle le a dumela? Ge—ge monna a tseba ga ke tsebe selo ka yena; gomme ke na le diatla tša ka godimo, ga ke tsebe selo ka yena. O beile diatla tša gagwe godimo, gore ke be ke sa mo tsebe, goba ga a ntsebe. Gona ge Morena a ka e utolla, lena bohle le tla e amogela, a le tla? Ke ba bakae? Phagamišang diatla tša lena, gore ke kgone go no bona. Bjale, Morena a le šegofatše.

¹⁷³ Bjale, mohlomphegi, ke nno ema fa, ke letile go bona se A tla mpotšago, kafao o be moahlodi. Gomme ge e ka ba mang a ka lebelela, monna o ne mahlo a gagwe a tswaletšwe, kafao le a bona e ka se be go bala monagano. E no dula le mahlo a gago a tswaletšwe. Ge Morena wa rena Jesu . . . Ge A ka e utolla, re tla Mo leboga.

¹⁷⁴ Eupša monna yo a emego pele ga ka, se a lego mo bakeng sa sona, ke taba ya semoya ye a nyakago thapelo bakeng sa yona. Yeo ke therešo. Ge yeo e le nnete, phagamiša seatla sa gago gore batho ba kgone go bona. Bjale a le a dumela? Ga se nke ka ke ka mmona bophelong bja ka, eupša še e be e le fa. Se sengwe se tshwenya monagano wa gagwe. Bjale, bontši ke tla bolela le yena, bontši bo tla bolelwa. Bjale ebang tlhomphokgolo.

¹⁷⁵ Morongwa yola o dirile eng? O bile le mokokotlo wa Gagwe o furaletše, gomme O rile, “Gobaneng Sarah a segile?”

O rile, “Ga se nke ka sega.”

O rile, “Oo, ee, o dirile.” Gobane, o be a tšhogile.

¹⁷⁶ Bjale ge batheeletši ba sa kgona go kwa segalontšu sa ka, godimo ga dipikara. Monna o bonala a eya go tloga go nna. Ke bona mosadi a eme. Seo ke kgwekgwe ya selo monna a lego mo bakeng sa sona. Ke bakeng sa mosadimogatša wa gagwe, gomme ga a mo le yena. Gomme o na le bothata bja sesadi, bothata bja sehumagadi, gomme o na le bothata ka mokokotlo wa gagwe. Yeo ke therešo.

¹⁷⁷ Ga o tšwe toropongkgolo ye. O tšwa toropongkgolo ye nngwe, ye e bitšwago Marysville. Yeo ke nepagalo. Bjale eya gae gomme o e hwetše ka tsela ye o e dumetšego. Go tla ba ka tsela yeo, Leineng la Morena. Modimo a go šegofatše. Sakatuku sela, o ka se se hloke go ya go yena; o bile le sona ka potleng ya gago bakeng sa gagwe, eupša o ka se se hloke.

¹⁷⁸ Ke a go tseba. Ga ke tsebe leina la gago. Eupša o mosadi yo a bego a eme kua mojako wa ka morago, letšatši le lengwe, wola Morongwa wa Morena o tlide go nna, ge dinako tša gago tša mathomo mo tabarenekeleng, le go utolla se sengwe e be e le sephiri sa go phethagala. Gomme o fodišitšwe, ka kankere. Yeo ke nnete. Eupša ga ke na le lesedi gore molato ke eng ka wena bjale. Ga ke tsebe. O tseba seo. Ga ke na le lesedi gore phošo ke eng ka wena. Eupša, ge Morena a ka e utolla, o tla e amogela? [Kgaetšedi o re, "Ee."—Mor.] Ke...

¹⁷⁹ Ga o mo bakeng sa gagomong. O mo bakeng sa ngwana. Gomme ngwana yola o tlaišegile. Gomme tlaišego e ka go mongetsane. Boka, ga a kgone go ema, goba se sengwe boka seo. Gomme ke bona batswadi ba ngwana yola, ka rosari. Ke bona Katoliki. Gomme banyalani ba batšofadi, ke, batswadikhukhu ba bona ke Katoliki, le bona. Gomme o emetše ngwana. Tšea sakatuku sa gago gomme o se bee godimo ga lona. Se belaele, o ka ba le se o se kgopelago. Bjale dumela ka pelo ya gago yohle.

A o dumela?

¹⁸⁰ Ke a nagana mohumagadi yo ke mosetsebje go nna. Re basetsebane seng sa rena, eupša Morena Jesu o tseba bobedi bja rena. Bjale seswantšho sa go phethagala sese. Seswantšho sa Mokgethwa Johane 4 sese. Mosadi wa mokhalate, monna yo mošweu; ka letšatšing lela, e be e le Mosamaria, le Mojuda, mehlobo ye mebedi ya batho. Jesu o mo dirile a tsebe, ka pela, gore go be go se phapano. Rena bohole re dibopša tša Modimo. Naga ye re phelago ka go yona, e fetola mmala wa rena, ga e na le selo go dira le yona. Modimo o be a nyaka batho ba Gagwe ka tsela yeo. O dirile motho yo mošweu, yo moso, yo motsotho, yo mokheri, yo mohubedu. O ba dirile ka tsela yeo. Yeo ke taba ya Gagwe. Gomme O re rata bohole. Eupša seswantšho sa go phethagala sese, batho ba babedi bao ba sa nkago ba kopana pele, gomme lekga la rena la mathomo, mehlobo ye mebedi ya go fapana.

¹⁸¹ Bjale, ke a bona gore o modumedi. O Mokriste, gobane moya wa gago o amogetšwe. Gomme Morongwa yola yo mogolo wa Modimo o be a ka se amogetše selo seo se bego se fošagetše. Ka kgonthe aowa. O bona seswantšho sela godimo kua, Morongwa yola godimo ga seswantšho sela kua, Seetša sela godimo bokagodimo ga moo ke emego? Seo ke se se go dirago go ikwela ka tsela ye o ikwago bjale. E no tla yohle tlase godimo ga gago.

Nakwana feela, Kgaetšedi Gertie.

¹⁸² Go bonala eke se sengwe, ga ke kgone go swara mohumagadi feela gabotse. Ee. Mosadi o tlaišega ka seemo sa letšhogo. O a tšhoga. O lahla dilo. Yeo ke nnete. Gomme ka gona o na le bothata bja semoya bjo o lekago go bo rarolla, ka baka la gore o be o bo rapelela nako ye nngwe. Yeo ke therešo. Gomme o na le atheraithisi. Ke go bona o leka go tšwa malaong a gago, ka go nokologa, gagolo ga moso. O na le se sengwe sa phošo ka mongetsaneng wa gago, gape, bothata bja mongetsane. Seo ke O RIALO MORENA.

¹⁸³ O ntumela go ba moprofeta wa Modimo? O dumela Modimo wa go swana yoo a tsebilego Simone o tla go tseba? Ge Modimo a ka utolla seo, a se tla go dira modumedi yo maatla, gore o hwetše se o se hwetšago? Ba go bitša, “Nanny.” Gomme leina la gago la mafelelo ke Johnson. Gomme o dula ka New Albany. Boela gae gomme o be gabotse, Leineng la Morena Jesu. Amene.

E no dumela.

¹⁸⁴ A re basetsebane seng sa rena, mohumagadi? Ke rena. Feelaljalo—feela gore batho ba bone, a o ka no phagamiša seatla sa gago, go re, “Re basetsebane. Feelal . . .” Bjale Morena Modimo o a re tseba bobedi. Gomme ge A ka fa kgopelo ye, o tla e thabela?

Bjale ba bangwe ba lena ba thomile go dumela.

¹⁸⁵ Bjale, fao go tšwelapele go eba monna yo mošweu a tšwelela pele ga mosadi yo mo.

¹⁸⁶ Ke monna a dutšego thwi fale. O ne . . . Seo se lokile, nno dula moo o lego. O ne bothata bja pshio. O ne bothata bja mokokotlo. Gomme o ne bothata bja mogodu. Yeo ke nnete. Bjale sepela, o dumela, gomme e ka se go tshwenye gape.

¹⁸⁷ O no dumela. Ke hlohla tumelo ya gago go e dumela. Ke ba bakae ba e dumelago ka pelo ya lena yohle? Go lokile, gona lebelela gomme o phele.

¹⁸⁸ Ge Morena Modimo wa rena a ka utolla go mosadi yo, yo e lego mosetsebje wa go felela go nna. Gomme go na le diatla tša rena godimo, gore ga se nke ra ke ra kopana pele, ka go tseba. Gomme ge Morena Modimo wa rena a ka utolla go mosadi yo, le go dira selo sa go swana se A se dirilego, go swana le mosadi ka go . . . mosadi wa Mosamaria. A lena bohole tla dumela ka pelo ya lena yohle, gona? Seo se tla e ruma neng le neng, le lena?

¹⁸⁹ Le a bona, ke na le kopano e etla godimo. Ke swanetše go tloga gosasa. Gomme ke swanetše go ya Virginia, le kopano ye kgolo e tlago. Ga ke nyake go fokola kudu, ke eme mo. Go lokile, ke tla tšea nako, feela nakwana, le mosadi. Gomme le a dumela.

¹⁹⁰ E ka ba mang mosadi a lego, o ne leswiswi la go lebega go šiiša le a mo latela. Oo, ke—ke manyami. O sa tšwa go ba le bothata. O lahlegetše ke ngwana, lesea. Yeo ke nnete. Gomme selo se sengwe, o tshwenywa ke bothata bja sesadi, bothata bja sehumagadi, le bothata bja mokokotlo. Gomme gape o na

le mohuta wo mongwe wa se sengwe se se diregago go wena, go swana le go idibala. Oo, bolwetši bja go wa dihwahwa. Yeo ke nnete. Ga o tšwe toropongkgolo ye, le wena. O tshetše noka, go fihla mo. O tšwa Louisville. O dula go nomoro, ye e bitšwago, 1754 West Oak Street. Leina la gago ke Margaret Quinn. Go lokile.

¹⁹¹ Morena Modimo, Mohlodi wa magodimo le lefase, efa go mosadi yo seo a se kganyogago, ka gore ke kgopela lenaba le go mo tlogela, Leineng la Jesu. Amene.

¹⁹² Modimo a go šegofatše, mohumagadi. Se belaele gape. Sepela gomme o amogele bjale se o se kgopetšego.

¹⁹³ A o dumela ka pelo ya gago yohle?

¹⁹⁴ O dira bjang, mohlomphegi? Ye ke nako ya rena ya mathomo go kopana, ke a nagana. A o dumela gore Morena Modimo wa rena o mo go dira le go go fa dilo tše o di kganyogago? [Ngwanešu o re, “Ee, ke a dira. Ke a tseba O mo. Ke kgona go Mmona.”—Mor.] Ke kgahlwa ke sebete sa gago. Gomme o mo bakeng sa selo sa maleba. O nyaka go tlogela go nwa le go kgoga. Gabotse, e tlogile go wena bjale. Sepela, gomme khutšo ya Modimo e be le wena gomme o itire wenamong go dumela. Modimo a be le wena.

“Ge o ka kgona go dumela, dilo tšohle di a kgonega.”

¹⁹⁵ O nyaka go fediša bothata bjoo bja mokokotlo? Eya tlase kua, o Mo tumiše, gomme o tla bo fediša. E no ya, o e dumela, ka pelo ya gago yohle.

¹⁹⁶ “Ge o ka kgona go dumela,” Beibele e boletše. Eba tlhomphokgolo. Dumela se Modimo a se dirago go ba Therešo.

¹⁹⁷ Ke a go tseba. Ke ya go no go rapelela. Ke tseba bothata bjale gago.

¹⁹⁸ Morena Modimo, gaogela mosadi gomme a fe kgopelo ye, ka gore ke e kgopela Leineng la Jesu. Amene. Ga ke elelwe... A leina la gago ke Baker? [Kgaetšedi o re, “Ee, mohlomphegi.”—Mor.] Yeo ke nnete. Ke—ke a elelwa bjale. Modimo a go šegofatše. Eya pele thwi bjale gomme o Mo dumele ka pelo ya gago yohle. Go lokile.

¹⁹⁹ Ga ke go tsebe, mohumagadi. Re basetsebane. Yeo ke nnete. O nyaka go ja selalelo sa gago, go fediša bothata bjoo bja mogodu, alesa yela o bilego le yona nako ye yohle? Sepela, eja, gona, gomme Jesu Kriste o go dira o welwe ke maruru.

²⁰⁰ Ke a go tseba. Gomme ke tseba se bothata bjale gago e lego. Ga o tsebe—ga o tsebe gore ke a bo tseba, eupša, ke—ke a bo tseba. Kafao go beng gore o tla fa mo tabarenekeleng, nka se bo bolele. Eupša atheraithisi e tla go tlogela ge o ka no e dumela. O ya pele. Modimo a go šegofatše.

²⁰¹ A re reng, “A go lebogwe Modimo.” [Phuthego e re, “A go lebogwe Modimo.”—Mor.]

²⁰² O tšhogile, le wena. O na le bothata bja mogodu bo go tshwenyago. A o a dumela gore Morena Jesu o tla go dira o loke? [Kgaetšedi o re, "Ke a dira."—Mor.] Gona sepela, gomme khutšo ya Modimo e khutše godimo ga gago. Ke no nyaka go bea diatla godimo ga gago, le go dumela ka pelo ya rena yohle, gore Modimo o tla e dira.

²⁰³ Ke nna mosetsebje go wena, ke a nagana, mohumagadi. A o a ntseba? O tla mo kerekeng? O a dira. Ga se ka ke ka go bona. Nneta, batho ba bantši ba tla ka gare. Go lokile. Wena sepela, o dumela, gomme bothata bjoo bja sesadi bo tla go tlogela, bothata bja mohumagadi o bilego le bjona. A o a dumela? [kgaetšedi o re, "Ee."—Mor.] Go lokile, gona sepela, gomme Modimo o tla ba le wena le go go thusa, ke ne kgonthe.

²⁰⁴ A o a dumela, mohlomphegi? A o a dumela gore Morena o tloša go thatafa fao go wena, gomme a go dira o loke, atheraetisi yeo? Eya thwi morago go kgabola kua, o Mo leboga le go Mo tumiša ka yona, gona o tla ba gabotse.

²⁰⁵ O tshwenywa ke bothata bja letšhogo, a ga o, mohumagadi? Leo ke letšhogo la monagano. O fokola ka kgonthe, o tlaišega ka ditlhaselo, gagolo thari mo morago ga sekgalela. Ebile le Sathane o go boditše o be o eya go lahlegelwa ke monagano wa gago. Yeo ke nneta. Eupša ke maaka. O ya go fola. Ga se selo eupša feela nako ya bophelo yeo o tlago ka go yona. Ke menophose. Mosadi yo mongwe le yo mongwe o swanetše go tla go seo. Eupša o ya go ba gabotse bjale. A o dumela lentšu la ka? Gona eya, leboga Modimo, gomme o opele dipina le go hlalala, gomme le dirwe go loka.

²⁰⁶ Go lokile, mohumagadi. Ke mosetsebje go wena, le nna. Selo sa go segiša, ge ke boletše seo go yena, se go tlogetše nako ya go swana, gobane seo ke tlwa se bothata bja gago bo bilego, go tšhoga. Bjale eya pele tseleng ya gago, gomme dumela ka pelo ya gago yohle, gomme o tla fola. Amene. Eya gomme o dumele ka pelo ya gago yohle.

²⁰⁷ Ke a go tseba, mohumagadi. Ke tseba sefahlego sa gago, eupša ga ke... O a dumela Modimo o tla go fodiša? Ke a tseba o mang bjale. Ke wena mohumagadi o tla fa mo tabarenekeleng. O a dumela Modimo o tla go fodiša? A nke ke no go rapelela.

²⁰⁸ Morena Modimo, Mohlodi wa magodimo le lefase, dira mosadi a welwe ke maruru, ke a rapela, Leineng la Jesu. Amene.

²⁰⁹ O se belaele. Nka se kgone go nagana leina la mosadi, eupša ke tseba yo a...

²¹⁰ Go reng ka lena batho ntle fa ka go batheeletši? A le a dumela? Bjale dulang go homola ka kgonthe. Ebang tlhomphokgolo ka kgonthe. Ka lehlakoreng le *mo*, yo mongwe. Ke hlohla tumelo ya gago, Leineng la Jesu Kriste, go dumela se.

²¹¹ Mohumagadi wa lekhalate o na le diatla tša gagwe godimo, kua. A o a dumela, mohumagadi, nna go ba mohlanka wa Modimo? [Kgaetšedi o re, “Ee, mohlomphegi.”—Mor.] Ge Modimo a ka nkutollela se e lego bothata bja gago, a o tla e amogela? [“Ee, mohlomphegi.”] O nyaka thapelo go wenamong le mosetsana yola yo monnyane. Go mahlo a gago, o dutše fale. Yeo ke nnete. Bea seatla sa gago godimo ga ngwana, gomme dumela ka pelo ya gago yohle.

²¹² Morena Modimo, ke a rapela gore ba tla e amogela, Leineng la Jesu. Amene.

A le a dumela?

²¹³ Šowe Morongwa wa Morena a eme hlenq le moisa yo wa hlogontsho. Ke—ke a dumela o tla kerekeng mo, go le bjalo. Ga ke na le nnete. Mohlomphegi, ge ke go tseba, ga ke tsebe se e lego phošo ka wena, ntle le ge Modimo a ka e utolla. Eupša ke ye nngwe ya kgaogelo ya Gagwe e eme mo. Gomme o na le a—a alesa godimo ga leoto, leoto la nngele. Yeo ke nnete. Tumelo ya gago—ya gago e kgwathile se sengwe.

²¹⁴ Go reng ka wena, godimo ka go dikgao tše, a o a dumela? Eba le tumelo, gona. Se belaеe.

²¹⁵ Fa, mohumagadi a dutšego fa a rwele kefa ye ntsho, a rwele digalase. O ne karata ya thapelo, mohumagadi? Thwi ka morago ga mošemanе yo monnyane yola kua, mafelelong a mothalo, wena! O na le karata ya thapelo? Ga o na le karata ya thapelo. A o ntumela go ba moprofeta wa Modimo? Ge Modimo a ka nkutollela seo bothata bja gago e lego, a o tla e amogela gona? O na le bothata bja pelo. Yoo ke monnamogatša wa gago a dutšego kgauswi le wena, gomme o na le bothata bja thatana. Bjale sepela gomme o dumele.

Ke mang a Mo dumelago?

²¹⁶ Go reng ka monna yo wa lekhalate a dutšego mo? A o a dumela, mohlomphegi? [Ngwanešu o re, “Ee, mohlomphegi.”—Mor.] A o ntumela go ba mohlanka wa Gagwe? [“Ee.”] O nyakile thapelo, a ga o? [“Ee.”] Ge Modimo a ka nkutollela, go tloga go nna go ya go wena, a o a dumela O... gore o ka e amogela? [“Ee.”] O na le bothata bja disaenase. Gomme o na le go phatloga. Yeo ke nnete.

²¹⁷ Go reng ka yo mongwe wa lena ka kua, a le a dumela?

²¹⁸ Go na le mosadi yo mongwe wa lekhalate thwi ka morago ga mohumagadi yo morago fa. O na le seatla sa gago godimo, kgaetšedi. O nyaka se sengwe go tšwa go Morena? O ntumela go ba mohlanka wa Gagwe? Ke bothata bja segalontšu, o sotlegago ka sona. Yeo ke nnete. O a dumela O go fodišitše?

²¹⁹ Thwi ntle go tloga go lena fale, go lebeleleng go dikologa lehlakore, thwi ntle go tloga go lena fale mo bofelong bja mothalo; e ka ba tee, pedi, tharo, nne, batho ba bahlano, morago

fale. O na le bothata bja kgokgokgo. O a dumela gore Modimo o tla go dira o loke?

²²⁰ Go reng ka thwi morago mo? Monna mafelelong a setulo, thwi morago ka mothalong mo. O na le alska gare ga lelalegolo. Yeo ke nnete, mohlomphegi. O a dumela Modimo o a go fodiša? Gona emelela gomme o e amogege, Leineng la Morena Jesu.

²²¹ Modimo a go šegofatše. Ga se ka ke ka go bona. O mosetsebje go nna. Eupša Modimo o a go tseba.

²²² Le a e dumela, yo mongwe le yo mongwe wa lena? A le dumela Morongwa wa go swana wa Modimo yo a tlidego go Abraham, ka kgaogelo, Yo a tsebilego diphiri tša dikgopolo tša Sarah, Yena wa go swana yo a emego lefaseng le go tseba diphiri tša dikgopolo tša monagano, a ga le dumele gore O fa bjale? Modimo yo a swanago, feela pele lefase le eswa gape ka tshenyegong, a ga le dumele gore O mo? Gona a re Mo amogeleng. A re Mo dumeleng. A re Mo tšeeng bjalo ka mofodiši wa rena, gonabjale. Ke ba bakae ba lena ba tla dumelago seo?

²²³ Ke ba bakae ba lena ka kgonthe ba dumelago? Beang diatla tša lena godimo. Bjale, beang, beang diatla tša lena fase.

²²⁴ Beibele e boletše se, “Maswao a a tla latela bona ba ba dumelago.”

²²⁵ Beang diatla tša lena yo motee godimo ga yo mongwe, gona, ge le le badumedi. O rapelela motho kgauswi le wena. Gomme yo motee kgauswi le wena, o rapelela wena yo a rapelewago. Yo mongwe le yo mongwe wa lena, rapelelanang seng bjale, kae kapa kae ka moagong. Ke hlohla tumelo ye.

Mohumagadi fale ka TB, lebala ka yona. O fodile.

²²⁶ Wena ka bothata bja proseteite, o dutše fao, mohlomphegi, o tsoga mašegong. E lebale. O ka se sa swanelo go e dira gape. Modimo a go šegofatše.

²²⁷ Ke a go hlohla go dira tiro ya go dumela. A o a e dira? Gona rapela, yo mongwe le yo mongwe wa lena, ka tsela ya gago mong. Bea diatla tša gago godimo ga yo mongwe gomme o rapelele yo mongwe kgauswi le wena, ge ke le rapelela.

²²⁸ Morena Modimo, Mohlodi wa magodimo le lefase, mothomi wa Bophelo bjo bosafelego, mofi wa mpho ye nngwe le ye nngwe ye botse, romela Moya wa Gago feela bjale godimo ga batho ba.

²²⁹ Ke ahlola mediro ya diabolo, gobane diabolo o senotšwe. Sathane, o ka se kgone go ba swara botelele bjo bo itšege. Tumelo ya bona e a namelela, gomme ba na le diatla tša bona godimo ga yo mongwe go yo mongwe. Gomme ke a go hlohla, gore o lahlegetšwe ke ntwa, gomme kahlolo e batametše. Tšwaa go bona, Leineng la Jesu Kriste. Tloga go bona, Leineng la Jesu.

²³⁰ A o a Mo dumela? Phagamiša diatla tša gago gomme Mo fe tumišo bakeng sa pholo ya gago. Ge o le segole, ema ka maoto

a gago; Kriste o go dira o loke. Ge o golofetše, o na le diatla tša gago di golofaditšwe, di phagamiše; go fedile.

Mosadi wa segole mo, o eme.

²³¹ Tumišang Morena! A re reng, “Tumišang Morena,” yo mongwe le yo mongwe. [Phuthego e re, “Tumišang Morena!”—Mor.] Amene.

Ngwanešu Neville.



A KEREKE E TLA SEPELA PELE GA TLAIŠEGO? NST58-0309E
(Will The Church Go Before The Tribulation?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Matšhe 9, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org